

Colosenses

Colosa majarãre gojabeoñorã Pablo sã

¹⁻² Yũhũ Pablo Jesu yagũ mari acaweregũ Timoteo mera mũare Colosa majarãre gojabeoa gũa. Jesucristo ãgũ yare buhedoregũ ãgũ apidigũ ta ãhraa yũhũ. Goãmũ ãgũ gamero dopa ta Jesucristo yũre ãgũ yare buhebure apimi. Eropirã mũare gũa acawererãre Cristore umupeorãre gojabeoa. Eropirã mari Pagũ Goãmũ mera mũare õadoreã. Eropirã ãgũ mera õaro árĩque mũa.

Jesu yarãre Pablo serẽbasapũ Goãmũre

³⁻⁸ Mũa ya árĩburire Goãmũre serẽrã mucubiriri mera eropa serẽbasaniguicãa gũa. ãgũ mari Opũ Jesucristo Pagũ ãhrimi. Árĩpehrerinũri mũa umũsigue õaro árĩcũ iigucumi Cristopũ. ãgũ eropa iibu árĩcũ mũa mucubirimũhtarã waĩcũa. “Jesucristo diaye iigũ ãhrimi,” arĩ ãgũre umupeorã waĩcũa mũa. Eropirã ãgũ yarãre mahi waĩcũa mũa. Mũa eropa árĩrã árĩcũ Goãmũre “Õhaa,” arĩ mucubiriri mera serẽbasaa gũa. Árĩpehreroguere Jesu yarã diaye árĩri buherire õari buherire erã werecũ peerã masa õaripũre gohrotoma. Goãmũ yare masinemorã wahama. Õpa ta mũa sãre Epafra õari buherire weredi árĩmi. ãgũ gũa mera Cristore mohme coregũ ãhrimi. Iri mohmerire duhubeami ãgũ. Mũare

ĩḡu eropa werecũ peerã, mata Goãmũ yare õaro iiniguicãmurayoro mũa. Eropirã Goãmũ mũaare mahirire diaye ta masirã mata õaro iiayoro mũa. Mũa eropa iirare ĩagũ Epafra weremi ḡuare. Espíritu Santo itamuri mera Jesu yarãre mũa mahirare weremi ĩḡu ḡuare. ĩḡu eropa arĩ werecũ peerã “Õhaa,” arãa ḡua Goãmũre.

⁹ Eropirã mũaare ḡuñarã eropa Goãmũre serēbasaniguicãa. Goãmũ ĩḡu gamerire mũa masipehoboro dopa serēbasaa ḡua. ĩḡu yare õaro masirã mũa árĩboro sãre serēbasaa ḡua.

¹⁰ Őpa ta serēbasaa ḡua mari Opũ Cristo ĩḡu gamero dopa ta õaro mũa iiburire. Mũa eropa iicũ ĩagũ ĩḡu mũaare sũagucumi. Eropa ta mũa árĩpeherrerire õarire mũa iiburire serēbasaa. Goãmũre mũa masinemoboro dopa serēbasaa.

¹¹ I sãre serēbasaa ḡua. Goãmũ ĩḡu õaro turari mera mũa õaro sĩporã turarã árĩboro sãre serẽa. Eropa ta serẽa ñero tariquererã mũa Goãmũ mera yujuro bojeboro dopa. Ñero tariquererã mũa eropa pepicãburire mũa mucubiriri mera eropa árĩniguiboro sãre serēbasaa daja ḡua.

¹² Goãmũ ĩḡu yarã árĩcũ marire iimi. Eropa iigũ ĩḡu orire mari opamorã mari árĩcũ sãre iimi ĩḡu. ĩḡu árĩroque õarogue mari árĩborore amutuhajami ĩḡu. ĩḡu eropa iicũ ĩarã mucubiriri mera mari Pagũre “Õhaa,” mũa arĩborore serēbasaa ḡua mũaare. ¹³ ĩḡu ta marire peamegue wabonirãre taricũ iidi árĩmi. Iribojegue ñerire duhumasibiriribũ mari. Ñegupũ marire doredi árĩnirimi. Eropigũ Goãmũpũ

marire taudi árĩmi. Īgu magu ĩgu mahigure opu acugu ĩgu dorero dopa marire árĩcũ iimi. ¹⁴ Īgu magu mera marire peamegue wabonirãre taudi árĩmi Goãmũ. Īgu magu ĩgu sĩrirañe mera mari ñeri iirare cãdijidi árĩmi Goãmũ.

Masa Goãmure gamebircũ ĩha Cristo amupũ, arĩ gojañumi Pablo

¹⁵ Goãmure mari Pagure ĩaya mara. Cristo ĩgu magu ĩgu Pagu ĩgu árĩricũre ĩhmudigu árĩmi masare. Īgu ĩgu magu árĩpehrerã core, árĩpehreri core árĩtuhadigu árĩmi. Eropigu tauro opu ãhrimi ĩgu. ¹⁶ Goãmũ ĩgu dorecũ ĩgũpũ ĩgu Pagu mera árĩpehrerire ĩhacũnuguñumi. Ũmũsigue árĩrire i yebague árĩri sãre ĩhacũnuguñumi. Mari ĩarire mari ĩabiriri sãre ĩhacũnuguñumi. I yeba majarãre, umũsi majarã oparãre, árĩpehro dorerãre, mari ĩarãre, mari ĩabirã sãre, árĩpehrerãre ĩhacũnuguñumi. Īgu árĩpehrerire, árĩpehrerãre ĩhacũnuguñumi. Eropirã árĩpehrerã ĩgu iinirã ãhrima. Árĩpehrerigue ta ĩgu iira ãhraa. ¹⁷ Árĩpehrerã core árĩpehreri core Cristo árĩmũhtañumi. Eropiro ĩgu turari mera árĩpehrerã dohpaguere árĩrã iima. Árĩpehreri sã árĩro iiaa. ¹⁸ Mari ĩgu yarã árĩpehrerã ĩgu ya curu majarã árĩrã ĩgu dupũ waĩcua. Eropigu ĩgũpũ mari dipuru ãhrimi. Īgu sĩrigũ masa mũriamũhtadigu árĩmi árĩpehreri weca árĩpehrerã weca árĩbu. ¹⁹ Cristo mari Pagu Goãmũ mera yuju dupũ ta árĩro dopa ta ãhrimi. Īgu eropa árĩcũ ta gamepũ

mari Pagurɸ. ²⁰ Árĩpehrerã masa erã ĩgure gamebirimuricũ ĩagɸ erã ĩgɸ mera amubure Cristore obeopɸ. ĩgure eropa obeogɸ ĩgɸ Cristo crusague sĩri ĩgɸ di cóãra mera amupɸ. Eropigɸ umusi majarãre, i yeba majarã sãre ĩgɸ mera õaro árĩcũ iipɸ. Umusi maja i yeba árĩri sã õaro árĩcũ iipɸ. Eropigɸ ĩgɸ guñadiro dopa iipɸ.

²¹ Mɸa sãre eropa ta ĩgɸ mera õaro árĩcũ iidi árĩmi. Mɸa sã ñerire iiniguinirã Goãmure boje majarã árĩrã mɸa pepiri mera ĩgure gamebirinirã árĩmuriribɸ. ²² Mɸa eropa árĩnirãre Cristo sĩriro mera ĩgɸ Pagure mɸa ĩgɸ mera õaro wacũ iipɸ ĩgɸ. Eropa iipɸ ĩgɸ mɸa ĩgɸ yarã õarã ñeri marirã, dipuwaja marirã mɸa árĩboro dopa. Mɸa eropa árĩcũ ĩgɸ árĩroguere mɸa árĩborore eropa iipɸ. ²³ Eropa ta iigucumi ĩgɸ mɸa ĩgure duhuro mariro umupeoturaniguicãcũ. Mɸa õari buherire mɸa Goãmɸ mera árĩniguiborore mɸa cãdijibiricũ, ĩgɸ mera mɸa árĩcũ iigucumi mɸare. Iri mɸa peera buherire õari buherire árĩpehrerã i yeba majarã peenirã árĩma. Eropigɸ yɸhɸ Pablo sã iri õari buherire weregɸ ta ãhraa.

Jesu yarãre itamubure apipɸ Goãmɸ Pabllore

²⁴ Cristo mari ĩgɸ yarã árĩborore crusague sĩrigɸ ñero taripɸ. Eropigɸ yɸ sã mɸa ĩgɸ yarã árĩburire ñero tarigɸ mucubiria. Eropa ñero tarigɸ Cristo marire ĩgɸ apirare ii ojogorocugɸ iiaa. Eropigɸ mucubiria. Cristo yare mari iira dipuwaja mari ñero tarinemoboro duhyania dohpa. Eropigɸ ĩgure mɸa guñaturaborore ñero tari mucubiria yɸhɸ. ĩgɸ dɸpɸ iro dopa

árĩrã ĩġu ya curu majarã āhraa m̄ua. ²⁵ Jesu yarãre itamubure apimi Goãm̄u yũre. M̄ua ya árĩburire iibure yũre apimi ĩġu. ĩġu yare m̄uare werepehobure apimi ĩġu yũre. ²⁶ Iri ĩġu yare iribojegure baja cururi majarãre erã masipehocũ iibirim̄riĩnumi mari Pagũ. Dohpague dohpague majarãre ĩġu yarãre irire õaro masipehocũ iimi pare. ²⁷ Eropigũ “Judio masa árĩbirã sãre yaha buheri õataria,” arĩ ĩġu yarãre irire weremi. Iribojegue erã masibirare weremi Goãm̄u. Őpa āhraa dohpagure ĩġu werera: Cristo ĩġu yarã mera āhrimi. ĩġu eropa árĩcũ ĩġu yarã um̄siguere õatariaroguere árĩrãcoma. Iri āhraa iribojegue erã masibirira mari Pagũ ya.

²⁸ Cristore ta werea. Árĩpehrerãre ġũisãġu erãre werea yũhũ. Őaro masiri mera buhea yũhũ õaro Cristore masare masicũ iibu. Eropa buhea yũhũ erã ĩġu yare õaro iirã erã árĩcũ iibu. ²⁹ Iri ta āhraa yũ mohmeri. Jesucristo ĩġu ya turari mera yũre ĩġu ora turari mera turaro mohmea yũhũ ĩġu yare buheġu.

2

¹ Ire m̄ua masicũ ġahmea. M̄ua ya árĩburire, Laodicea majarã ya árĩburire, árĩpehrerã ya árĩburire turaro mohmea yũhũ. Árĩpehrerã masa yũre ĩabirã ya árĩburi sãre turaro mohmea yũhũ. ² Őpa ta mohmea yũhũ m̄ua árĩpehrerã õaro sĩporãcũborore. M̄ua mera majarãre m̄ua yujuro mera game umupeoburi sãre eropa mohmea yũhũ. Iribojegue majarãre Goãm̄u

werebirira Cristore masicũ iiri ãhraa. Īgũ yare masirã Cristore umupeoa mũa. Mũa ĩgũre õaro masiborore mũa ĩgũ mera õaro árĩborore bũrigã itamua yũhũ mũare. ³ Cristo dihta masipehocãmi gajirã masibirirare. Īgũ árĩpehrerire õaro masigũ ãhrimi. Īgũ masiri õatariaro ãhraa. ⁴ Irire werea mũare gajirã mũare peesuari wereniguiri mera gũyari arĩgũ. ⁵ Yũhũ mũa watope árĩbiriqerergũ yũ guñari mera mũa watope arĩgũ dopa ãhraa. Erogue árĩbiriqerergũ Cristore mũa õaro umupeoniguirare mũa õaro iirare peegũ mucubiria yũhũ.

⁶ Eropirã mari Opũ Jesucristore opamorã ĩgũre mũa umupeonũgadiro dopa ta umupeoniguicãque. “Eropa ta yũre itamugũcumĩ,” arĩrã mũmũri nũcũ ĩgũ mera õaro arĩniguicãque. ⁷ Īgũre õaro masirã arĩque mũa. Eropirã mũmũri nũcũ ĩgũre masinemoque gajirã erã ero core mũare erã buhediro dopa ta. Eropirã Cristore mucubirirã “Õhaa,” arĩniguicãrã arĩque mũa.

Cristo yarã arĩrã õaripũre gohrotoa mari, arĩ gojañumi Pablo

⁸⁻¹⁰ Õaro pee masique mũa. Masa erã gamero erã buherire erã gũyarire peebiricãque. Erã iribojegue majarã árĩricũrare buhema. Masa erã pepiro dopa pepirã arĩrã i doreri dihta buhema. Cristo yapũre buhebeama. Cristo mari Pagũ arĩro dopa ta arĩgũ Goãmũ gohra ta ãhrimi. Eropigũ Jesucristo Goãmũ arĩgũ i yebague masa dehyoadigũ Goãmũ ta arĩmi. Eropirã ĩgũ yarã arĩrã Goãmũ mera õaro

árĩniguia mari. Īḡu ta árĩpehrerã deyobirã oparã tauro opu árĩḡu ãhrimi. Umusi majarãre i yeba majarãre árĩpehrero majarãre doremi. Eropirã ḡuyari buherãre peebiricãque.

¹¹ Eropirã Cristo yarã árĩrã circuncisiónre iinirã gasiro merogã wiri añirã iro dopa árĩrã ãhraa mua. Masa erã dũpũre merogã gasirogãre erã wiri cóãro árĩbiriya. Mua pepiripũre Cristopũ mua ñeri uaribejarire cóãmi.

¹² Īḡu yarã árĩra pũhrũ waĩyesũnirã árĩnirã árĩbu mua. Eropa waĩyesũnirã árĩrã õpa ĩhmurã iinirã árĩbu mua: Iribojegue mua ñero iirare duhurare ĩhmurã iibu mua. Jesucristo sĩridiḡu mera mua uaribejarare cóãnirã árĩbu mua. Eropirã Jesucristo sĩridiḡu masa mũriara mera õaripũre gohrotonirã árĩbu mua. Īḡu Goãmũpũ Cristore masudiḡu árĩmi. “Īḡu turagũ ãhrimi,” arĩrã ĩḡure umupeorã árĩrã õaripũre gohrotonirã árĩbu mua.

¹³ Iribojegue mua ñerã árĩra dipuwaja peamegue wabonirã árĩriyoro mua. Eropa wabonirã árĩriyoro mua Goãmũ yarã árĩbirã. Īḡu dorerire opabirã árĩriyoro mua. Dohpague mari Pagũ marire ĩḡu mera eropa õaro árĩniguimorã iimi. Cristo ĩḡu sĩridiro mera eropa iimi ĩḡu marire. Eropa ĩḡu mari árĩpehreri ñeri iirare cãdijicãdi árĩmi ĩḡu.

¹⁴ Goãmũ ĩḡu dorerire gojarare mari tarinũganirã mari árĩquerecũ ta ĩḡu marire dipuwajacũdorebeamĩ. Cristo crusague ĩḡu sĩridiro mera Goãmũpũ mari ñeri dipuwajare cãdijipehocãdi árĩmi.

¹⁵ Īḡu Cristo crusague sĩricũ watẽa ya dorerapũre Goãmũpũ

tarinugacãpũ. Eropirã bu árĩrã dujacãñorã erã watẽapũ. Eropa iigu erãre gũhyasĩuro wacũ iipũ erã ihuro.

*Ʋmũsi majare Goãmũ yare gameque, arĩ go-
jañumi Pablo*

¹⁶ Eropirã gajirã erã dorerire dorediaricoma mũare. “Mũare irire barã, irire ihrirã ñerire iirã iiaa mũa,” arĩ werewũama mũare. Erã eropa arĩ werewũacũ eropa ãacãque erãre. Bojori nũcũ árĩrinũri, aberi nũcũ árĩrinũri, semanari nũcũ árĩrinũri, bosenũri mũa iidi-abiricũ werewũama. Erã eropa werewũacũ eropa pepicãque erãre. ¹⁷ Erã mũare doreri iribojegue Goãmũ apira doreri Jesucristo mari ñeri iira dipuwaja sĩriburire ãhumũhtarañe árĩyoro. Dohpaguere Cristo arĩmi marire. Eropirã ãgũre umupeorã iri doreripũre umupeobea pare. ¹⁸ Erã dorerire iidorerã mũare dipuwajacũrã dujacũ iidiama erã. Erã eropiicũ eropa ãacãque erãre. “Gajiropa dehyoarire ãabũ gũa,” arĩmaacãrã erã anyuare umupeorima Goãmũre umupeoboro dopa. Erã eropa pepicãrã iro dopa iirima. Gajirã masa iro dopa erã ñeri ãaribejarire pepirima erã. Eropa pepirã árĩrã “Masipehocãa gũa,” arĩ pepirima erã. ¹⁹ Eropa iirã árĩrã Cristopũre umupeobeama. Cristo dihta ãgũ yarãre doregũ ãhrimi. Cristopũ mari ãgũ yarã dipuru ãhrimi. ãgũ yarãpũ ãgũ ya curu majarã árĩrã ãgũ dũpũ waĩcũa. Mari dipuru mari dũpũre gamesũriro dopa ta ãhrimi Jesucristo ãgũ yarãre. ãgũ yarãre itamugũ marire ãgũre

umupeonemocũ iimi. Goãmũ gamero dopa ta ãgũ yarãre ãgũre masinemocũ iimi.

²⁰ Marire ñero iira dipuwajacunirãre Cristo taudigũ árĩmi crusague s̃rigũ. Eropirã Cristore umupeorã ãgũ yarã ãhraa. Mũa eropa árĩrã i yeba maja buherire anyuare umupeori buherire gamebiro gahmea mũare. ¿Duhpirã gajino buherã erã dorerire iidiari mũa? ²¹ Ōpa arĩ dorema erã basi erã gamero: “Irinore babiricãque. Irinore p̃hrebiricãque,” arĩma. ¿Erã eropa arĩdorecũ duhpirã yũhriri mũa? ²² Erã doreriñe bari iro dopa ta pehrea waroca. Erã doreriñe i mũmũ maja dihta ãhraa. Masa erã sũaro erã buheri dihta ãhraa i buheri. Eropiro duhpiburi árĩbeaa. ²³ Erã dorerire iirã Goãmũre umupeorã iro dopa árĩrima. Eropirã eropa pepicãrã iro dopa ii ãhmuma. Erã dupũre ñero taricũ iirã “Goãmũre umupeorã iiaa,” arĩrima. Erã eropa iirã erã doreripũ masipehorã ya doreri iro dopa iirima. Eropa árĩbeaa. Erã dorerire iiquererã erã ñeri uaribejarire duhubeama. Eropiro erã doreripũ duhpiburi árĩbeaa.

3

¹ Eropirã Cristo yarã ãhraa mũa. Eropirã mũa ero core mũa ñeri iirare duhunijarã õaripũre gohrotonirã ãhraa mũa. Eropa gohrotorã árĩrã mũmũsi majare Cristo yare gameque mũa. Eroque Cristo ãgũ Pagũ diayerũ doagũ árĩpeherrerore doregũ ãhrimi. ²⁻³ Mũa uaribejari cóãnirã árĩrã Cristo gamerire opaa. ãgũ Cristo mũa õaro iiborore õaro ãhadibumi. Eropirã iri

ñerire guñabeaa mũa. Eropirã Ʃmũsi majare Goãmũ yare guñamũhtaque. I yeba majare guñaniguibiricãque. ⁴ Eropirã Ʃmũsigue Cristo marire eropa árĩniguimorãre aĩgu ĩgu aricũ ĩgu mera warãca. Eropa warã ĩgu mera Ʃmũsigue Goãmũ yare oparãca.

Cristo yarã árĩbirã ñerire iiribũ mari, arĩ gojañumi Pablo

⁵ Eropi i yeba maja ñerire duhucãque. Ne yujugũ mojoto diribiriqueregu nomeo mera árĩbiricãque. Ne yujugo mojoto diribiriquerego Ʃmũ mera árĩbiricãque. Eropa ñeri mũa iirire iripẽta duhucãque. Ñeri Ʃaribejarire iibiricãque. Mũa opaburire gajinore gametaribiricãque. Mari gajinore bũrigã gamerã goãmarã wéanirãre erã umupeoro dopa iirã iiaa mari irire. ⁶ Iri ñerire iirã Goãmũre tarinũgarã àhrima. Erã eropa árĩcũ ĩagũ ĩgũpũ erãre gamebeami. Eropigũ erãre bũrigã dipuwaja moagucumi. ⁷ Iribojeguere mũapũ iri ñerire iinirã mera majarã árĩriya mũa. ⁸ Dohpaguere i ñerire duhupehrecãque mũa. Guarire, disitĩri wiarire, gajirãre ñero arĩ pepirire, gajirãre ñero quere wereniguirire, ñero wereniguirire iri árĩpehrerire duhucãque. ⁹⁻¹⁰ Mũapũ Jesu yarã warã ñerã mũa árĩdiro dopa ta iri ñeri Ʃaribejarire duhutuhajanirã árĩbũ. Eropirã õaripũre gohrotonirã àhraa mũa. Mũare õaripũre gamecũ ĩigu iimi Goãmũ. ĩgu árĩro dopa mũa árĩboro dopa eropa iimi. Eropa ta iimi ĩgu mũa ĩgũre õaro masiboro dopa. Eropirã ĩgu eropiicũ mũa mera majarãre gũyabiricãque.

11 Cristo yarã mũa árĩrã judio masa, judio masa árĩbirã sã yujuropa dihta ãhraa mũa Goãmũ ĩgu ĩacũ. Gasiro merogã wiri aĩnirã, irire aĩbirinirã sã Cristo yarã árĩrã yujuropa ãhraa Goãmũ ĩgu ĩacũ. Gaji yeba majarã sã, masibirã sã, mũa ya yeba majarã sã Cristo yarã árĩrã yujuropa ãhraa Goãmũ ĩgu ĩacũ. Pohro majarã, erã pohro majarã árĩbirã sã, Cristo yarã árĩrã yujuropa ta ãhrima Goãmũ ĩgu ĩacũ. Jesucristo tamera árĩpehrerã ĩgu yarã mera ãhrimi. ĩgu yarã erã ĩacũ bu árĩgu árĩbeami ĩgu.

12-13 Eropi Goãmũ ĩgu beyenirã, õarã, ĩgu mahirã árĩrã õpa árĩque mũa: Gajirãre mójomoro ĩarã, gajirãre õaro iirã árĩro gahmea. Mũare ñero iiquerecũ ta eropa pepicãrã árĩro gahmea mũare. Mũa mera majarã mera guarã, erãre quere iirã árĩbircãro gahmea mũare. Eropirã “Yũhũ bu árĩgu ãhraa,” arĩ pepique. Mari Opũ mũa ñeri iirare cãdijimi. ĩgu eropa cãdijidiro dopa ta mũa sã mũa mera majarã erã ñero iirare cãdijique. 14 I doreri tauro õpa arĩ dorea mũare: Gajirãre mahi umupeoque. Mũa eropa iirã árĩpehrerã gajirã mera yujuro mera árĩrãca. 15 Cristo marire õaro árĩcũ iimi gajinore mari wereniguibiriboro dopa. ĩgu eropa iicũ õaro árĩque mũa. Mari ĩgu yarã yuju curu ta ãhraa. Mari eropa árĩrãre mari Pagũ marire õaro árĩmorãre ta apimi. ĩgu eropa iicũ õaro árĩque mũa mũa basi. Eropirã Goãmũre “Õhaa,” arĩ mucubirirã árĩque mũa Goãmũ mera.

16 Cristo ya buherire õaro guñaniguicãque mũa. Õaro pee masiri mera ĩgu yare gajirãre

buheque. Gũhyadiaro irire wereque. Eropirã Salmo gojaripũre, Goãmũ yare bayarire, gaji ĩgũre umupeori bayarire ĩgũre bayapeoque. Ōaro guña umupeori mera bayapeoque. Eropa bayarã ĩgũ yare ōaro guñaque mũa. Eropirã Goãmũre “Ōhaa,” arĩ mucubirirã árĩque mũa Goãmũ mera. ¹⁷ Árĩpehreri mũa iirire ōaro sĩporãcũ iique mari Opũ Jesu ĩgũ mucubiriboro dopa. Mũa wereniguirã ĩgũ ya árĩburi dihtare wereniguique. Eropirã Cristo ĩgũ itamuri mera Goãmũ mari Pagũre serērã “Ōhaa,” arĩ mucubirique ĩgũre.

Jesu yarãre yujuro mera árĩburi doreri ōpa ãhraa, arĩ gojañumi Pablo

¹⁸ Mũa marapũcũrã nome, mũa marapũ sũmarãre ōaro yũhrique. Eropa ta iiro gahmea mari Opũ yarã Cristo yarã nome árĩrã. ¹⁹ Mũa marapocũrã, mũa marasã nomere mahi umupeoque. Igore turibiricãque. ²⁰ Mũa erã porã sã mũa pagũ sũmarãre tarinũgabirã dihta árĩque. Mũa eropa iicũ ĩagũ mari Opũ ōaro sũagũ árĩgũcumĩ. ²¹ Mũa erã pagũ sũmarã sã mũa porãre eropa turiniguibiricãque bũjawerercũ iiri arĩrã. ²² Mũa pohro majarã, mũa oparãre i yeba árĩrãre eropa yũhrirã árĩque. Erã ĩhurore erã dorero dopa ta mohmeque. Erã maricũ sãre mohmeque. Mari Opũre Cristore gũhyadiaro mũa ĩadiro dopa ta ōaro mera yũhrique mũa oparã sãre. ²³ Diaye ta Cristo yarã árĩrã ōaro yũhrirã ãhraa mũa ĩgũre. Eropirã mũa oparãre ō majarã sãre yũhrirã, Cristore mũa yũhriro dopa ta yũhrique mũa. Eropirã mũa oparã erã

dorero dopa ta turaro mera mohmeque “Cristo ya doreri āhraa,” arīrā. ²⁴ M̄ua eropa iicū Cristo m̄uare wajayeḡucumi. M̄uare īḡu oburire m̄uare oḡucumi mari Op̄u. Ir̄ire masia m̄ua. Mari Op̄u Cristo īḡu pohro majarā āhraa m̄ua. Eropiḡu īḡur̄u m̄ua Op̄u gohra āhr̄imi. ²⁵ Īḡure tarin̄ugarāre dipuwaja moaḡucumi mari Op̄ur̄u. Ār̄īpehrerā tarin̄ugarāre ne yujuḡu duhyaro mariro yujuro mera dipuwaja moaḡucumi īḡu. Eropa ȳure iiri arīrā ōaro ȳhrique m̄ua.

4

¹ M̄ua oparāp̄u, m̄ua pohro majarāre diaye ta ōaro iique erāre. M̄ua s̄a op̄u op̄aa. M̄ua op̄ur̄u ̄m̄usi majaḡu Goām̄u āhr̄imi.

² M̄ua ār̄īpehrerā ̄m̄uri n̄uc̄u Goām̄ure serēniguique. Ōaro guña pee masi serēniguique. Eropirā mari Paḡu ōaro iirare guñaque. ³⁻⁴ Ḡua ya ār̄iburip̄ure serēque daja. Cristo yare iribojegue majarā erā masibirirare buherā iiaa ḡua. Masare ḡua ōaro buheboro dopa serēbasaque mari Paḡure. Ȳuh̄u Goām̄u yare wereniguiiri waja dohpaguere peresugue āhraa. Eropiḡu m̄ua eropa serēcū gahmea īḡu yare ȳ ōaro iiboro dopa. Cristo īḡu dorediro dopa ta ȳ wereburire serēque.

⁵ Jesu yarā ār̄ibirā mera arīrā ōaro iique m̄ua. Cristo yare wereque erāre. Erā mera m̄ua ār̄īrop̄ē ta eropa ta ōaro iique erā Jesu yarā ār̄īboro dopa. ⁶ Gajirā mera weretamurā ōaro s̄aro mera weretamuque. Ōari dihtare

wereniguique. Mũa eropiirã gajirã erã Jesu-
cristo yare mũare serēpicũ òaro masiri mera
yũhrirãca erãre.

Õadoretuþu Pablo

⁷ Tíquico mari acaweregu Jesu yagu ãhrimi.
Ïgu yu árĩricũre mũare weregũcumi. Ïgu mari
mahigu ãhrimi. Cristo yare buhegu, gũa mera
mohmegũ ãhrimi. Ne iri mohmerire duhubeami
ĩgu. ⁸ Mũa pohrogue ïgure obeogu iiaa yũhu gũa
árĩricũre mũa masiboro dopa. Ïgure obeogu
iiaa yũhu mũare mucubiricũ iibure. ⁹ Onésimo
mari acaweregu mera wapimoa obeogu iiaa. Ïgu
sã Cristo yare ne duhubeami. Mũa mera majagu
ãhrimi. Erã perã yu dohpa tarirare wererãcoma
mũare.

¹⁰ Aristarco peresugue árĩgu yu mera majagu
mũare õadoremi. Marco sã õadoremi. Ïgu
Bernabé pagu magu ãhrimi. Mũa pohrogue
ĩgu ejacũ òaro mera ïgure bocatĩrique yu
mũare werebeodiro dopa ta. ¹¹ Jesu waĩcũgu
“Justo,” erã arĩ piyugu õadoremi ïgu sã.
Oã ta yu mera mohmerã judio masa gohra
ãhrima. Judio masa gohra erã dihta Goãmu
yare yu mera buhema. Õpa buhea gũa Goãmu
yarã masa waboro dopa. “Jesucristo yu Opu
ãhrimi,” erã arĩboro dopa buhea gũa. Erã
yure òaro itamunirã ãhrima. ¹² Epafra mũa
mera árĩdigu mũare õadoremi. Ïgu Jesucristo
dorerire òaro iigu ãhrimi. Goãmure serēgu,
turaro mũa ya árĩburire serēbasaniguicãmi
ĩgu. Goãmure òaro guñaturaniguimorãre, ïgu
gameru dopa iimorã mũa arĩboro dopa eropa

Goãmure serēbasaniguicãmi ĩgu. ¹³ ĩgu mua ya árĩburire turaro serēbasami. Laodicea majarã ya árĩburire, Hierapoli majarã ya árĩburi sãre ĩgu turaro serēbasami. ĩgu eropa iigu árĩcũ ĩagu mũare weregu iiaa. ¹⁴ Duhturu Luca waĩcugu mari mahigu mũare õadoremi. Dema sã õadoremi.

¹⁵ Õaporo mari acawererã Laodicea majarã. Nĩfa sã õaporo. Jesu yarã igo pohro gamenererã sã õaporo. ¹⁶ Ipũre yu gojabeorapũre buhetuha Laodicea majarã sãre obeoque. Eropirã erãre Laodicea majarãre yu gojabeorapũre mua sã buheque. ¹⁷ Eropirã õpa arĩque Arquipore: “Mari Opũ Jesu yagu mu árĩcũ ĩgu mohmerire apidi árĩmi mũre. ĩgu eropa apicũ iri mohmerire õaro mohme ojogorocũque mũhu,” arĩque ĩgure.

¹⁸ Yũhu Pablo, yu mojoto mera ire gojaa. Mũare õadorea yũhu. Peresugue yu árĩrĩre guña serēbasaque Goãmure. Õaro arĩque mua. Goãmũ ĩgu mahiri mera mũare õadorea. Iripẽta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1